

26^ú Meitheamh 2020

Maidir le: Cigireachtaí COVID -19

A Sholáthraí,

Agus muid ag dul isteach sa tríú chéim de Threochlár an Rialtais chun an tSochaí agus an Ghnó a Athoscailt agus de réir mar atá seirbhísí ag críochnú ullmhúcháin d'athoscailt, táim ag scríobh chun comhairle a thabhairt duit faoin gcaoi a mbeidh An Chigireacht Luathbhlianta ag tabhairt faoi cigireachtaí rialála.

Ba mhaith liom tosú trí aitheantas a thabhairt do na dúshláin atá le sárú ag an earnáil tar éis éiginnteacht na míonna deireanacha. Is é an ról atá againn mar ghníomhaireacht rialála ná chun leanaí a chosaint trí oibriú le soláthraithe chun comhlíonadh a ardú agus rialacháin a fhorfheidhmiú sa mhionlach beag seirbhísí a dhéanann faillí ina bhfreagrachtaí agus a chuireann leanaí i mbaol. Cé gur féidir le cigireachtaí a bheith dúshlánach, déanaimid ár ndícheall i gcónaí ár bhfreagracht rialála a chomhlíonadh ar bhealach cothrom, cuí agus freagrúil agus éilimh bhreise a theorannú a mhéid is féidir. Chun é seo a bhaint amach, rinneamar scrúdú ar ár bpróiseas cigireachta agus rinneamar roinnt mhaith athruithe sealadacha a chosnóidh sláinte agus sábháilteacht leanaí, foireann na luathbhlianta agus ár gcigireacht de réir mar a leanann an phaindéim ar aghaidh.

I mí Iúil, Lúnasa agus Meán Fómhair i mbliana beidh ár gcigireachtaí dírithe ar chigireachtaí COVID-19. Tá na sonraí faoin gcaoi a ndéanfar na cigireachtaí agus na rialacháin atá le scrúdú imlínithe sna doiciméid atá faoi iamh:

- **Uirlis Chigireachta COVID-19 de chuid Cigireacht Luathbhlianta Tusla,**
- **Prótacal Cigireachta COVID-19 de chuid Luathbhlianta Tusla do sholáthraithe cláraithe,**
- **Iarratas ar Dhoiciméadú Réamhchigireachta.**

Fógrófar agus sceidealófar gach cigireacht pleanáilte leis an soláthraí cláraithe. I líon an-bheag cásanna, d'fhéadfadh go mbeadh gá le cigireachtaí neamhphleanáilte a chur ar bun sa chás go dtugtar inní suntasach nó práinneach i leith seirbhíse chun solais (e.g. eolas gan iarraidh, neamhchomhlíonadh suntasach nach dtugtar aghaidh air). Tá An Chigireacht Luathbhlianta tiomanta cloí le treoir sláinte poiblí agus ár ndualgais á gcomhlíonadh againn agus leasaíodh an próiseas cigireachta chun an méid ama a chaitheann cigirí sa tseirbhís a íoslaghdú.

Tosóidh gníomhaíocht ar an láthair ón 13^ú Iúil.

Chun tacú le hathoscailt do sheirbhíse, d'fhoilsíomar sraith treorach agus d'osclaíomar líne chabhrach thiomnaithe COVID-19 ar an 4^ú Méitheamh. Tá sonraí le fáil ar ár láithreán

gréasáin ag an nasc seo a leanas:

<https://www.tusla.ie/services/family-community-support/pre-school-services/>

Táimid ag tnúth le bheith ag obair in éineacht leat agus coimeádfaimid cur i bhfeidhm na gcigireachtaí agus próisis nua seo faoi athbhreithniú thar míonna an tsamhraidh. Guím gach rath ort agus tú ag tosú arís i do ról tábhachtach ag cothú agus ag tabhairt aire do leanaí luathbhlianta an náisiúin.

Mise le meas,



Eibhlín O'Leary

Ceann Cigireachta agus

Measúnaithe

Rialáil Seirbhísí Leanaí



*Rialáil Seirbhísí Leanaí,
An Chigireacht Luathbhlianta,
An Dara hUrlár,
Teach an Inbhir,
Sráid Anraí,
Luimneach.
Teil: 061 461700
Ríomhphost: ey.registration@tusla.ie*